

Deporte Local


Cera conoci cu nos atletanan di seleccion C.A.C. cu lo participa na campeonato na Corsow

ORANJESTAD (AAN) - Curaçao lo ta e pais anfitrión e aña aki di e XV Central American & Caribbean Age Group Athletics Championships, cual evento lo tuma lugar durante e weekend di Juni 29 y 30. Tur competencia lo tuma lugar den Sentro Deportivo Korsou (SDK) na Brienven-gat. E CAC Age Group Championships ta un campeonato di track & field pa atletanan entre e edad di 11 pa 14 aña. E competencianan aki ta ser organiza cada 2 aña den cual mas of menos 36 pais den Caribe y America Central ta participa. Na vispera di e campeonato di atletiek aki nos kier a laga nos comu-nidad sera conoci cu e atletanan cu lo representa Aruba den den e seleccion di C.A.C. Age Group Championships 2013.



Number: Kyrarah Peña
Edad: 11 aña
Club: Olympia Track & Field

Kyrarah ta biba den e distrito di Simeon Antonio y ta bishita Colegio Conrado Coronel. E tin apenas 9 luna ta practica e deporte di atletiek, cual deporte e ta gusta masha hopi. Actualmente e ta miembro di club di atletiek Olympia Track & Field. Su disciplina favorito di atletiek ta sprint y high jump. Esaki ta promer biaha cu Kyrarah lo representa Aruba den e seleccion di Athletiek C.A.C. Age Group. Kyrarah ta aspira di bira un notario of un veterinario den futuro. Su ambicion den deporte ta pa un dia logra bira un atleta profesional y cualifica pa weganen olimpicos y representa Aruba. Kyrarah su atletanan favorito ta e sprinter Usain Bolt y e llandadornan olimpicos Ryan Lochte y Michael Phelps.



Number: Zhyon Harms
Edad: 12 aña
Club: Olympia Track & Field

Zhyon ta biba den e distrito di Paradera y actualmente ta bishita Sint Dominicus College. E ta practica e deporte di atletiek pa 7 aña caba y ta miembro di club di atletiek Olympia Track & Field. Su disciplina favorito di atletiek ta e careda di distancia largo y e high jump. Esaki ta promer biaha cu Zhyon lo representa Aruba den e seleccion di Athletiek C.A.C. Age Group. Zhyon ta aspira pa un dia por bira un atleta profesional y su ambicion pa futuro ta pa bira un tecnico den automatizacion. Zhyon su atletanan favorito ta e popular sprinter Usain Bolt y tambe Tyson Gay.



Number: Joella van der Linden
Edad: 11 aña
Club: Y-Track

Joella a crece den e barrio di Dakota y actualmente ta bishita Pius X School. E ta practica e deporte di atletiek ya pa 7 aña caba. Actualmente e ta miembro di club di atletiek Y-Track. Su disciplina favorito di atletiek ta e Pentathlon cual ta consisti di 5 diferente disciplina, incluyendo sprint, long jump y high jump. Esaki ta promer biaha cu Joella lo representa Aruba den e seleccion di Athletiek C.A.C. Age Group. Joella su ambicion pa futuro ta pa bira un juffrouw di school. Tambe e lo ta desea di por sigi representa Aruba den exterior den e deporte di atletiek. Joella su atleta favorito ta e sprinter Usain Bolt.



Number: Candy Croes
Edad: 14 aña
Club: & 21 Athletics

Candy ta biba den e distrito di Simeon Antonio y actualmente ta bishita Colegio Arubano. Desde aña 2009 caba e ta practica e deporte di atletiek y ta miembro di club di atletiek & 21 Athletics. Candy su disciplina di atletiek favorito ta e shot put y tambe e careda di distancia medio di 1000 meter. Esaki ta promer biaha cu e lo representa Aruba den e seleccion di Athletiek C.A.C. Age Group. Candy su ambicion ta di por bira un sports coach den futuro y asina train mucha y adulto den e mundo di deporte. Candy su atletanan favorito ta e crossfit profesional Annie Thorisdottir y tambe e profesionalnan di track & field Lolo Jones y Blanca Vlasic.




Number: Trevor Faro
Edad: 11 aña
Club: Olympia Track & Field

Trevor ta biba den e distrito di Dakota y actualmente ta bishita Cacique Macuarima School. Desde aña 2008 caba e ta practica e deporte di atletiek y ta miembro di club di atletiek Olympia Track & Field. Trevor su disciplina favorito ta e long jump, high jump y e careda di distancia largo, pero esun cu e ta gusta mas ta e sprint. Trevor a sa di representa Aruba den varios evento internacional y a gana varios premio caba, pero esaki ta promer biaha cu e lo representa Aruba den e seleccion di Athletiek C.A.C. Age Group. Trevor ta desea di por sigi representa Aruba dignamente den exterior y competi contra paisnan grandi. Su ambicion pa futuro ta pa bira un electricien. Trevor su atletanan favorito ta e sprinter Tyson Gay.




Number: Aureen Lampe
Edad: 13 aña
Club: Olympia Track & Field

Aureen ta biba den e distrito di Santa Cruz y actualmente ta bishita Colegio San Antonio. E ta practica e deporte di atletiek pa 8 aña caba y ta miembro di club di atletiek Olympia Track & Field. Aureen su disciplina di athle-



Number: Ashmir Ammerlaan
Edad: 14 aña
Club: & 21 Athletics

Ashmir a crece den e distrito di Brazil y ta bishita Colegio San Agustin actualmente. E ta practica e deporte di atletiek pa 5 aña caba y e ta miembro di club di atletiek & 21 Athletics. Ashmir su



Number: Merijn Faro
Edad: 14 aña
Club: Olympia Track & Field

Merijn ta biba den e distrito di Santa Cruz y actualmente ta bishita Maria College. E deporte cu Merijn originalmente a practica pa hopi tempo ta basketball, pero desde 2 aña pasa e la cuminsa prac-

tiek favorito ta e Heptathlon, cual ta consisti di 7 diferente disciplina incluyendo sprint, long jump y high jump. shot put y tambe e careda di distancia medio di 1000 meter. Esaki ta promer biaha cu Aureen lo representa Aruba den e seleccion di Athletiek C.A.C. Age Group. Aureen ta aspira di bira un atleta profesional y di por participa un biaha den weganen olimpicos. Den futuro e lo desea di por eherce un profesion den e mundo di ingenieria. Aureen su atleta favorito ta e popular sprinter Usain Bolt.

disciplina favorito ta e Heptathlon, cual ta consisti di 7 diferente disciplina incluyendo sprint, long jump y high jump. shot put y tambe e careda di distancia medio di 1200 meter. Esaki ta promer biaha cu e lo representa Aruba den e seleccion di Athletiek C.A.C. Age Group. Ashmir su deseo pa futuro ta di por bira un astrologo ya cu e ta gusta e ciencia di astrologia. E atleta cu Ashmir ta admira mas ta su abuelo Rubert Ammerlaan, un di e poco atletanan di edad cu ainda ta activo y cu a inspire pa cuminsa practica e deporte di atletiek.

tica e deporte di atletiek na su school. Recien e aña aki e la bira miembro di e club di atletiek Olympia Track & Field. Merijn su disciplina di atletiek favorito ta e shot put. Esaki ta promer biaha cu Merijn lo representa Aruba den e seleccion di Athletiek C.A.C. Age Group. Merijn no sa ainda ki profesion e lo escoje ora e ta mas grandi. pero su interes ta den naturaleza y tecnica. Merijn su atleta favorito ta su abuelo, kende pa su edad ainda ta core 2 biaha pa siman un distancia di 10 kilometer.

Telefonan di DIARIO
582-6747
Fax: 582-8551